


www.BibleForChildren.org

ढतुडलल 26



पया आवना
पंडुमता आरुड
दियाड मुनेने, येसु
मावा संगे बेतनि नाटे
वासि अगान मतोम.
लाजर पेदिरतोन ओग
हामुरताहि तेगिह कीस मतोग,
ओनगाने माट मतोम. अस्के
मरियाल तनगा तीसामेंड
लेह्का मतदु अतर्नेय तचि,
येसुनाड काल्कनगा वळता.
(इद अतर्नेयु जटामासि इनदनद
पोर्काताहि पटदु, अद वेल्ला दाराता
आंदु.) वळसि, तनाड केल्वकने ओनाड काल्विकन
उम्वता, अस्के अद नेय लोनमेंड एगस्कता.



ताना पया बार आता इतेके, केर्योत नाटेनोग यहुदाल इनवल
बारा कगयवालोरगडाहि ओवोण मतोग. ओण बेद्रम येसुन ओरा
कयदे पोस ईयना इनजि पेर्मालोरगा अतोण.
ओर इदिन केंजिसि गिर्दा आतोर.
आसि “इद कबळतेनाह्क माट
नीक कोताड ईकोम,” इनजोर
पोल्लो विळसतोर. अदिनेनाह्क
पया येसुन पोस
ईयलाहि ओण अण
ऊळसोर मंदोग.



पया ओर लोहतोर कगयवालोरो येसु
वेहतपु अनजि, अद जागा दोर्किह
कीतोर, पया अगा आवना पंडुमता जावा
एहतोर. अस्के पया माट तिंदह्पा, येसु
आरतुन पोसि, देवुळतुन जोहर कीसि,
आरतुन किर्हतोग. अह कीसि मयके
आहचोर इतोग, “इद एनाटु, तिन्हटु,
इद आरतुन तिनेके नावा मेंदुदा सीता
कीम्हटु, ताने नना
मियेनाहकु मोकि
ईय्हन्नन.”



ओसो ओगु गिलसतद अंगुर जोमा
पोयतोण वने, देवुळतुन जोहर
कीतोण, कीसि ओरके आहचोर
इतोण, “मीट सबेटोरिर इगडाह
उन्हटु. इद अंगुर जोमा उननेके,
नावा नेतुरता सीता कीम्हटु, देवुळ
तना लोकुरा संगे कररतुनु, इद
नेतुर करल कीस्ता. नावा नेतुरि
वेल्लाटोरा पापम मापि
आयनेनाहकु नेल
वाडगा.”



ओसो येसुसामि सिमोन-पत्रुन इतोग, “सिमोन! सिमोन! इके
कैजा रा! वंजिनाड पिंडयान अल्सतप लेह्का देयह्कना
मुक्याल मीक सबेटोरिन पट ऊळलाह देवुळतुन ताल्हकता.
अदिह्क निमा विस्वसतुन विळसना आयो इनजोर नना
नियेनाह्क पार्तना कीतन. मति निमा ओसोवने विस्वसते
मलतस्के नीवा गोततोर विस्वसतुन बेर्सिह कीसीम,”
इनजोर वेहतोग.




अस्के सिमोन-पत्रु, “सामि! नना नीवा संगे जेल दायलाह
ओसो डोललाह वने तयर महन्न,” इतोण. येसु ओन इतोण,
“पत्रु! नना नीक वेहतहन्न, नैड नरका तलाकोण कूसनामुने
निमा येसुन पुनोन इनजोर मूंड मल्काड इनदकिन डा!”
इनजोर इतोण.



येसु माट कणयवालोरा
संगे गेत्सेमनि इनदनद
जागातगा एवतस्के,
माक इतोग, “नना ओके
देवुळतुन ताल्हकलाह
दाय्हनन, अचानाह मीटु
इगान उदिस मन्हटु,”
इनजि इतोग.
ओसो इतोग, “ए नावा
बाबानिन! नीक सबे आया
पणयहता, इद गोसाताहि
नाक पिसिह कीमु. तेला
मति इद नावा विचरते
आयो, नीवा विचर मतपे
आयि,” इतोग.



अदिह्कु पेर्मांलोर ओसो परुसिर वेर लोहतोर पहरातोर, ओसो
रोम राजेमतोर सीपय्कना उंदि पल्टन, वेरिन सबेटोरिन
यहुदाल अग तोहचोर ततोऱ. वेर सोह्ळाड, कंदिस्क
ओसो वीस्राड पोसि अगा वातोर. अह आसि
कगयवालोरगडाहि ओर्वोऱ तना
तल्वर कसेटुन तेंडिसि, मोदुल
पेर्माना ओर्युलतोना तिनळ बाजेता
केवदुन पोडोह देगनाह ईतोऱ.
अस्के येसु “इन्जेके अचोने
आयगा, मनि!” इनजोर इतोऱ.
इनजि ओना देगता केवदुन तुंडिह
कीसि ओन बेस कीतोऱ.





पया ओरु येसुन पोसि अगडाह अतोर, अनजि मोदुल पेर्माना
लोन ओतोर. अस्के पत्रुवने उचुन जेक मनजि ओरा पयाह
पयाह वायलाह आतोऱ. मोदुल पेर्माना लोता
मुनेह रेसातगा किस मासिस
ओर अगान उदिस मतोर.
अस्के पत्रुवने ओरगान
अनजि उदतोऱ.




अगा निच मनवालो रगा
पेर्माना ओर्वो रग साकुर
केवाल मतोर, पत्रु नांगा
बोना केवदुन डायिस
मतोर, ओनाय जीवातोर
ओर आंदोर. पया ओर
पत्रुन इतोर, “नीक बह नना
ओना संग जय्तुन मराना
जागातगा मतिन अस्के ऊळोन,
डा?” तेला मति पत्रु “एंह-एंह,
नना आयोन,” इनजोर पका
कैंगम आतोर. अदे गट्काते
तलाकोर कूसता. अस्के पत्रु
पलतेक पेसिसि पका अळतोर.




पया सबेटीर लोकुर पंचतगडाह येसुन
पिलाति इनवाल गुमसिनगा ओतोर. पया
पिलाति येसुन, “बह निमा यहुदिरा
राजानिना?” इनजोर ताल्हकतोग. पया
येसु ओनु, “निमा इहनिन अहे” इतोग.
येसुन विळिसस ईयलाह,
पिलाति ओसो उंद मल्का
मुडा लोकुरिन वेहच
ऊळतोग. मति ओरु, “ओन
हव्कनागुटातगा मोलाड कोटिस


हव्काट, हव्कनागुटातगा हव्काट!”
इनजोर पका रोदा पोयतोर.




ओरा पोल्लो कैज पगवाह्कु आक्रिते,
पिलाति येसुन हव्कनागुटातगा वेळ्हतलाह
ओरा कयदे विळिससीतोग. ओर पया येसुन
पोसि ओतोर. येसु तना हव्कनागुटान
कांजिसि तला-टाप्रा इनदनद जागातगा
एवतोग (इब्रि पोल्लोते अद जागातुन
गुल्गुता इन्ह्तोर).



अगा ओर ओनाड केगताड गेंदेड कुळ्हचि,
ओन हक्कनागुटातगा दोहचि, मोलाड
कोह्किसि वेळ्हतोर. ओसो येसुन वेळ्हतस्के
इर्वुर कलेरिनु, येसुन नडुम
कीसि, इके ओर्विन,
अके ओर्विन,
हक्कनागुटानगा
वेळ्हतोर.



पोळ्दता वेह्च वने दिसो. अस्के येरुसलेमतगडा मंदिरता लोप्पा
मतद सबेट्क पवित्र गूडटा अगदगा, अडह कीस मतद गेंदे रेंड
तुक्ळेड आनाह पग़क वितता. अस्के येसु, “ए देवुळबाबा! नावा
जीवातुन नीवा कयदे ईय्हनन,” इनजोर
जोरते केयिसि हातोग़.



पया अरिमतेया नाटेनोग योसेपि
पेदिरतोग मतोग. ओग यहुदिराड
तग्वाड केवालोरग्डाह ओवोग
मतोग, लोकुर ओन मान
ईदुर. ओगु देवुळ राजेम
कीयनद दिया बेस्के
वास्ता इनजोर अग
ऊळसोर मंदोग.

पया ओग दीराते
गुमसि पिलातिनगा
अनजि, “येसुना
सेतातुन पोहतलाह
ओयकोम,” इनजोर
ताल्ह्कतोग.



वेहतस्के पया योसेपि उंद पूना पांङ्गि
हामुर-गेंदे अस्तोग. असिसि येसुना
सेतातुन इळ्ळन रेहचि, अद गेंदेते
ऊर्हतोग. पया बेरा आदतगा
तर्वतद उंद गुमयातगा ओसि
गति कीतोग. अह कीसि
गुमयाता अगदगा
बेरा आद बंडातुन
तिळ्हप कीतोग.




इमा दियाते (इतेके वारमता पोल्वादियाते),
पेर्मात्तोर ओसो परुसिर पिलातिनके वासि
गुम आतोर. गुम आसि इतोर,
“महरज, ओग नाळेह केवाल
जीवात मनदहपा, ‘नना हासि
मूंड दियाने ओसो जीवा
अरयकन,’ इनजोर
इन्ज मतोग, इद
पोल्तो माक सीताय
मन्हता.”



“अस्के पया ओर पहरातोरिन
पोसि अतोर. अह कीसि,
तिळप कीस तासतद
आदतुन बोणे जर्गिह
कीयनायो इनजि सीना
वर्सतोर. ओसो पहरा
केवालोरिन तासतोर.”





वारमता मुनेता दिया (इतेके ऐतारम
दियाते), पड वीयतस्के मगडला नाटेनद
मरियालि ओसो ताना ऐंगेतद
दुस्रा मरियालि, इव गुमयातुन
ऊळलाह अताड. अस्के
ऊळाट, इळता बूम पका
मेलियता, बाराहक
इतेके देवतुलि
देवुळदीपताहि
रेगिसि,

अद तिळ्हप कीसमतद
बंडातुनु ओर्केडके
दोबिसीता, अह कीस ताना
पेटळ उदता.तान रेयिसि,
पहरा मनवालोर् दिरदिर
साडतोर, हातप आतोर.






अस्के देवतुलि अव आस्किन इता, “मीट
रेयमाटु! हक्कनागुटातगा वेळहतोन
येसुन मीट पर्हकिह्निर, इद नाक
एर्काये. ओग इगा इलेग. ओग
मुने वेहच मतपु मल्स जीवा
अरतोग. वाट, ओना
सेत्तातुन तासिस मतद
जागातुन ऊळाटु.”



पया अव आस्कु रेयिस मताड, मति पका गिर्दा
आसोरे गुमयातगडाह चट्पिट पेसिसि माक
कगयवालोरिह्कु इद कबुर वेहतलाहि
वित वाताड. अस्के दोम्क्नेन येसु
अविस्किन कलियिस “बेस पिसाटु!”
इनजोर इतोग. कलियतस्के अव
ओना एरे अनजि ओनाड
काल्क मोळ्कताड.



पया अक्रा कणयवालोऱ उदिसि गाटो तिनजोर मतोर,
अस्के येसु ओरिह्क दिसतोऱ. दिसिसि इद्रम इतोऱ, “नना
तेऱकतस्के नाक ऊळतोर मन्कलोरा पोल्लोतुन बाराह्क
नमविर? नमोम इनजोर बाराह्क कैंगम आतिर?” इनजोर
इतोऱ. पया येसुसामि ओरिन इव पोल्लोड वेता पया,
देवुळि ओन पोऱोन तना जागातगा ओता. येसु पोऱोन
अतोऱ अस्के देवुळता तिनळ बाजे उदतोऱ.



देवुळि दुनियातोरिन बेद्रम जीवा कीता इतेके
तना वगोन मगिन इद दुनियातोरेनाहक मोक
आयलाह ईता. बोर ओन नमनुर, ओर
बूळेम आयोर, मति अमेसाता पिसमुळ
ओरिहक दोर्कगा. अदिनेनाहकु
देवुळि तना वगोन मगिन
दुनियाते लोहता.



रोम सहरतोर 3:21-23

इद्रमि, यहुदिर आयिर, यहुदि आयवोर आयिर, सबेटोरे पापम कीतोर. कीताह्कु देवुळताहि दोर्कनद मान, कदरतगा एवया पगवोर. मति इंजेके, अडोड माळवालेवा, मन्कलोरिन सेतेमतोर कीयलाहि देवुळि ओरिह्क दुस्त्रा अग तयर कीता. अद अगदा लोप्पा मोसानाड अडोना सास्त्रम अहे देवुळता कबुरतोरा सास्त्रम वने मुनेन वेहता. अद अग इद्रम मन्हता इतेके, मन्कलोर येसु किर्स्तुन विस्वस कीतेके, देवुळि ओरिन सेतेमतोर इनजोर इन्हता. विस्वस केवालोर बोरे मनिर, देवुळि ओरा जात-कुलम ऊळवा ओरिन सेतेमतोर इंदगा.

रोम सहरतोर 6:23

अदिह्कु माट पापम कीसोरेन दाकल इनजि इनमाटु, बह इतेके पापमता कमय इतेके हामुरिये दोर्किह्ता, मति मावा किर्स्तु येसुसामि मयेनाह्क कीतद कबळतेनाह्कु, देवुळि माक तना संगे अमेसा पिसनद दर्मम ईस्ता.



इब्रितोर 9:27 सबेटोर मन्कलोर उंदिय मल्का डोलनदु;
ताना पेगके देवुळि ओरा नेयम कीयगा.

इपिसुसतोर 2:8,9 देवुळि मीक दया कीताहकु, मीट किस्तुन
विस्वस कीतिर, अदिनेनाहक मीक पिसिह कीता. देवुळता
पिसमुळतुन दोर्किह कीयलाह मीट बाताले केविर; इद पूरा देवुळता
दर्मम आंदु. अदिनेनाहक नना बेसताड कबस्क कीताहक देवुळि
नाक पिसिह कीता इनजोर मियगा बोगे बह पोंगमाकेग.

रोम सहरतोर 10:9,10 अद कबुर इद्रम इतेके, येसुये नावा सामि
इनजोर निमा नीवा तोडटे कबुल आसि, देवुळि ओन हामुरतगडाहि
जीवा अर्हता इनजोर नीवा जीवाताहि विस्वस कीतेक अचोन,
देवुळि नीक पिसिह कीयगा. बोगे आयि आपुना जीवाताहि विस्वस
कीतेकेने, ओग देवुळता मुनेह सेतेमतोग आस्तोग. अद्रमे
आपुना तोडटे कबुल आतेकेने, ओग तना
पापमता सिक्साताहि पिसिहतोग.



योहन् 3:16,17

देवुळि दुनियातोरिन बेद्रम जीवा कीता इतेके तना वगोन मगिन इद दुनियातोरेनाह्क मोक आयलाह ईता. बोर ओन नमनुर, ओर बूळेम आयोर, मति अमेसाता पिसमुळ ओरिह्क दोर्कणा. अदिनेनाह्कु देवुळि तना वगोन मगिन दुनियाते लोहता. देवुळि तना मगिनु इद दुनियातोरिन सिक्सा ईयलाह लोहो, मति दुनियातोर ओना संगे पिसना इनजि देवुळता विचर मता.

1 योहन् 5:11-13

देवुळि ईतद साक्सि इद्रम मन्हता इतेके, देवुळि माक अमेसाता पिसमुळ ईता, अद पिसमुळि ताना मगि येसुसामिनगा दोर्किह्ता. बोण येसुसामिना संगे तुडिसि मन्हतोण, ओनगा अद पिसमुळ मन्हता. मति बोण येसुसामिन विस्वस केवोण, ओनगा मात्रम अद पिसमुळ इले. देवुळता मगि येसुसामिना पोणोन विस्वस केवालोरिर, अमेसाता पिसमुळ इंजेके मियगान मन्हता, इनजि मीट पुनदना इनजोर रासलाह आतन.



मत्थ्याल 26-28; लूकाल 22-24; योहान 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Hill Madia Bible (mrr) © (Active), Wycliffe Bible
Translators, Inc. All rights reserved.

<https://www.bible.com/en-GB/bible/2691/MAT.1>

©2026 Bible for Children, Inc.

www.M1914.org

www.bibleforchildren.org

